



Broj: 01-02.2-6240-3/25-EĆ
Datum: 24.06.2026. godine

Za: **FEDERALNO MINISTARSTVO
PROMETA I KOMUNIKACIJA**

Adresa: ul. Tvrtka Miloša bb,
88 000 Mostar

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Prilježeno: 06-07-2026			
Org. jed.	Broj	Priloga	Vrijednost
05/1	-02-	372	/26

Predmet: ODGOVOR NA VIJEĆNIČKO PITANJE,
veza Vaš akt broj: 02/2-2-02-2-1119/26 od 18.06.2026.godine

Dana 22.06.2025.godine JP Ceste Federacije BiH d.o.o je zaprimilo vaš akt, broj i datum gore naveden, kojim je prosljeđeno pitanje zastupnice Edite Mazić postavljeno u Zastupničkom domu Parlamenta Federacije Bosne i Hercegovine:

„1. Da li Ceste Federacije BiH redovno i u skladu sa zakonom održavaju magistralne puteve na području Tuzlanskog kantona, gdje su brojne dionice u stanju koje ozbiljno ugrožava sigurnost građana?

2. Ko je konkretno odgovoran za ovakvo stanje – uprava preduzeća, nadležno ministarstvo ili inspeksijski organi – i zašto izostaje adekvatna reakcija na očigledne i dugotrajne propuste?

3. Koliko je sredstava u posljednje dvije godine izdvojeno za održavanje magistralnih puteva na području Tuzlanskog kantona, gdje su ta sredstva konkretno utrošena, te kada građani mogu očekivati trajna i sitemska rješenja, a ne privremeno saniranje oštećenja?

4. Također tražim informaciju o planu održavanja za 2026.godinu, uključujući prioritetne dionice, rokove izvođenja radova i nosioce odgovornosti, s posebnim osvrtom na frekventne pravce koji povezuju Tuzlanski kanton sa Sarajevom“

Odgovor JP Ceste FBiH d.o.o. Sarajevo:

Ad.1) Što se tiče održavanja magistralnih cesta, želimo vas informisati da se održavanje izvodi na osnovu Zakonu o cestama FBiH (Sl. novine F BiH broj 12/10, 16/10 i 66/13) i Pravilnika o održavanju javnih cesta, u skladu sa predmjerom radova koji se uradi na osnovu predviđenih količina i raspoloživih sredstava. Na osnovu premjera uradi se dinamički plan izvođenja radova, čiju realizaciju prate nadzorni inženjeri (uposlenici JP Ceste FBiH). Nadzorni inženjeri prate i stanje dionica magistralnih cesta, te u skladu sa potrebama daju naloge izvođačima radova za intervenciju i mimo dinamičkog plana, a u skladu sa raspoloživim sredstvima.

Redovno održavanje na području Tuzlanskog kantona, odnosno na Lotu 3 je putem javne nabavke ugovoreno sa konzorcijem kojeg čine Jata group d.o.o. Srebrenik i HiH d.o.o. Živinice.

JP Ceste Federacije BiH smatra da su, ako se uzme u obzir raspoloživa sredstva u Planu poslovanja, magistralne ceste na području Tuzlanskog kantona u zadovoljavajućem stanju.

Ad.2) Želimo istaći da je u proteklom periodu više regionalnih cesta prekategorišano u magistralne ceste, koje u tehničkom smislu ne zadovoljavaju kriterije magistralne ceste, a nisu obezbjeđena dodatna sredstva za njihovu sanaciju/rekonstrukciju. Također jedan od problema je i prekomjerno opterećenje ceste. Činjenica je da na magistralnim cestama u Tuzlanskom kantonu saobraća veći broj teretnih vozila opterećenih preko dozvoljenog opterećenja, čime se direktno uništava kolovozna konstrukcija.

Ad.3) Za redovno održavanje magistralnih cesta na području Tuzlanskog kantona (LOT 3) je utrošeno u posljednje dvije godine cca 11.150.000,00 KM (sa PDV-om), na ophodnju ceste, održavanje sistema odvodnje, održavanje elemenata cestovnog profila (bankine, berme i rigola, ivičnjaka), održavanje kosine usjeka, zasjeka i nasipa, održavanje potpornih i obložnih zidova, održavanje kolovoza, održavanje horizontalne saobraćajne signalizacije, održavanje vertikalne saobraćajne signalizacije, održavanje cestovne opreme (popravak, zamjena i postavljanje nove elastično odbojne ograde, smjerokazni stubići, postavljanje i zamjena ogledala), košenje trave i korova u cestovnom pojasu, održavanje objekata, tunela i galerija, te zimsko održavanje magistralnih cesta. Sredstva se troše optimalno, a prioritet je na cestama sa većim PGDS-om.

Što se tiče vanrednog / investicionog održavanja, odnosno rehabilitacije, sanacije i rekonstrukcije kolovoza ono se vrši u skladu sa Planom poslovanja.

Ad.4) U 2026.godini održavanje je planirano u iznosu od 5.700.000,00 KM (sa PDV-om), gdje je nakon zimske službe rađena sanacija lokalnih oštećenja na kolovoznoj konstrukciji, održavanje kanala, rigola, bankina, sječa šiblja i granja u cestovnom pojasu, košenje (koje se izvodi kontinuirano), obnova horizontalne saobraćajne signalizacije, zamjena i popravka elastično-odbojne ograde, itd.

S poštovanjem,

direktor

Dostaviti:

- Naslovu
- Vlada Federacije Bosne i Hercegovine
Hamdije Ćemerlića 2, 71000 Sarajevo
- ⊖ Federacija Bosne i Hercegovine
Parlament Federacije - Zastupnički/predstavnički dom
Hamdije Kreševljakovića br.3, 71000 Sarajevo
- A/a

.....
Ljubo Pravdić, dipl.ing.grad.